



UNIVERSITÄTS-
BIBLIOTHEK
PADERBORN

Paraphrasis Psalmorvm Davidis Poetica

Buchanan, George

Argentorati, M. D. LXVIII.

VD16 B 3125

Psal. CIII. Benedic anima mea Domino: & omnia, &c. Carm. gen.5.

[urn:nbn:de:hbz:466:1-69145](#)

Tecum perpetuis æmula sæculis,
Aeui tempora transigent.

PSAL. CIII. Benedic anima mea Dom-
no: & omnia, &c. Carm. gen.

Sit parens rerum mihi carmen: illum
Vox canat, sensus petat, & remotis
Quisquis est fibris uigor, & sacratum
Nomen honoret.

Mens Deo laudes cane, redde grates
Mens Deo: nullis benefacta tæclis
Excidant, & quæ tribuit benigna
Munera dextra.

Qui scelus tollit maculosum, & ægros
Sanat angores, animoq; uiires
Reddit, & uitæ properante fato
Prorogat annos.

Qui manu larga tibi plura donat
Ore quam poscas, animo uel optes:
Seruat & in morem aquilæ, uirentem
Flore iuuentam.

Integer index, scelerumq; uindex,
Tradidit sancto sua iura Mosi:
Ifaci prolem docuit piarum
Dogmata legum.

Lenis & blandus, dare dona largus,
Tardus irasci: neq; sempiternæ
Sæuit offensæ memor, aut perennes
Ardet in iras.

Nec modus pœnæ numerusue nostris
Aequus

Acquus est culpis: bonitas redundat
Latius, terræ plaga quam remoto
Distat Olympo.

Tam procul nostri maculas remouit
Criminis, quam se procul à cubili
Gaditano sol oriens Eois

Exerit undis.

Qualis in natos placidi parentis
Lenitas, talis Domini benigni est,
Qui quis illius pietate uera

Nomen adorat.

Tu sinus mentis penitus repostos,
Tu pater nosti penetrale cordis:
Quippe nos terræ memor è rubenti

Puluere factos.

Herba ceu lactens pueri uenustas,
Prodit, occultoq; adolescit æuo,
Donec ut foenum cadat arefactum

Falce senectæ.

Instar aut floris Tyrio comantis
Murice, ut uultu modicè fereno
Risit, afflatu tepidi repente

Concidit Austri.

Sed Dei æterna bonitate in æuum
Tatus æternum, remanet piorum
Coetus, & longa serie propago

Sera nepotum:

Si nec æternas uiolabit ieti
Fœderis leges, memoriq; iussa
Mente feruarit, referatq; uita

Puriter acta.

N iii

Ille flammantis super alta cæli
Culmina immotum solium locauit,
Et suo nutu facile uniuersum

Temperat orbem.

Angeli iussis Domini ministri,
Sub iugum ius est quibus & potestas
Cuncta cogendi, Domino Deoqz

Pangite laudes.

Quiqz castrorum comites meritis
Sub ducis tanti imperio, audientes
Sedulò dictis, Domino Deoqz

Pangite laudes.

Quæqz per uastos ubicunqz fines
Imperi pollens opifex creauit,
Plaudite, auctori Domino Deoqz

Pangite laudes.

Mens Deo grates cane:redde grates
Mens Deo:hunc sensus petat, & remotis
Quisquis est fibris uigor, & beatum

Nomen honoret.

PSAL. CIIII. Benedic anima mea Domino, &c. Carm.gen.

T E rerum Deus alme canam Dominumqz patremqz.

Magne parens sancta quam maiestate uere
Aetheris æternas rector moliris habenas.

Te decor, auratis ambit te gloria pennis,
Et circumfusum uestit pro tegmine lumen.

Tu tibi pro uelo nitidi tentoria cæli

Et